



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბენუკელი ვახტანგ პავლეს ძე

ბენუკელი ვახტანგ პავლეს ძე (22. II. 1916, სოფ. მერიანეთი, ახლანდ. თელავის მუნიციპალიტეტი, - 19. VI. 1971, თბილისი), პოეტი, მთარგმნელი.

დაამთავრა თსუ-ის ფილოლ. ფაკ-ტი (1940). მასწავლებლად მუშაობდა სხვადასხვა რ-ნში (1940-43), იყო თიანეთის რ-ნის განათლების განყ-ბის გამგე (1943-45). 1951-60 - „საბლიტგამის“ პოპულარული ლიტ-რის განყ-ბის გამგე, შემდეგ მთავარი რედაქტორი, 1961-71 - გამომც. „საბჭოთა საქართველოს“ მხატვრული თარგმანის განყ-ბის გამგე.

პირველი ლექსები 1939 გამოაქვეყნა. თარგმნა ფ. შილერის „ორლეანელი ქალწული“ და „ფიესკოს შეთქმულება“ (1949), „დონ კარლოსი“, „მარიამ სტიუარტი“ (1952), „ტურანდოტი“ (1957); გამოსცა ი. ვ. გოეთეს სამტომეული (1962-64), მისივე „დრამები“ (1956-69), პოემები, ლირიკა; ჰ. მანის „მეფე ანრი IV სიჭაბუკე“ (I წგ., 1966), ჰ. იბსენის დრამები. ბ-ის რედაქციით გამოვიდა მ. გელოვანის ლექსთა კრებულები (1960, 1964, 1972) და სხვ.
